

4.

Na osnovu člana 13. stav 2. alineja 5. Zakona o principima lokalne samouprave FBiH ("Službene novine FBiH", broj 49/06 i 51/09), člana 21. tačka 7. Statuta Grada Gradačac ("Službeni glasnik Grada Gradačac", broj 10/22) i Ugovora o privremenom korištenju i raspolaganju objektom sportske dvorane sa pripadajućim zemljištem i pratećim sadržajima, do donošenja konačne odluke Gradskog vijeća broj: 08/2-27-199/21 od 26.02.2021. godine, na prijedlog Gradonačelnika, Gradsko vijeće Grada Gradačac, na 25. redovnoj sjednici održanoj 31.05.2023. godine, donosi

ODLUKU

o davanju saglasnosti JP Parkinzi d.o.o. Gradačac za zaključivanje ugovora sa JP HT Eronet d.d. Mostar

Član 1.

Daje se saglasnost JP Parkinzi d.o.o. Gradačac, kao korisniku objekta sportske dvorane sa pripadajućim zemljištem i pratećim sadržajima, da potpiše ugovor sa JP HT Eronet d.d. Mostar, u svrhu regulisanja međusobnih prava i obaveza, radi postavljanja antenskog stuba na dijelu nekretnine k.č. broj 440/1 k.o. Gradačac II, i to za period do donošenja konačne odluke Gradskog vijeća o korištenju i raspolaganju objektom Sportske dvorane sa pripadajućim zemljištem i pratećim sadržajima a najduže na period do 26.02.2026. godine.

Član 2.

Nakon prestanka ugovornog odnosa JP HT Eronet d.d. Mostar je dužan obratiti se novim zahtjevom Gradu Gradačac, radi potpisivanja novog ugovora i regulisanja međusobnih prava i obaveza na zauzetom zemljištu sa Gradom Gradačac, kao vlasnikom nekretnine ili sa novim korisnikom/zakupcem.

Obavezuje se JP Parkinzi d.o.o. Gradačac da odredbe ovog člana unese u ugovor sa JP HT Eronet d.d. Mostar, kao i da po jedan primjerak potpisanog ugovora dostavi Gradskom pravobranilaštvu Grada Gradačac i Gradskoj službi za geodetske i imovinsko-pravne poslove.

Član 3.

Ova odluka stupa na snagu osmog dana od dana objavljivanja u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-157/23**Datum: 31.05.2023.god.****G r a d a č a c****PREDSJEDAVAJUĆI
GRADSKOG VIJEĆA
Mustafa H. Adulović, s.r.**

5.

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06 i 51/09), člana 6. stav 2. Zakona o komunalnim djelatnostima ("Službene novine Tuzlanskog kantona", broj 11/21 - prečišćeni tekst) i člana 21. tačka 2. Statuta Grada Gradačac („Službeni glasnik Grada Gradačac”, broj 10/22), Gradsko vijeće Grada Gradačac na 25. redovnoj sjednici održanoj 31.05.2023. godine, donosi

ODLUKU

o izmjenama i dopunama Odluke o javnim parkiralištima

Član 1.

(1) Član 14. stav 1. Odluke o javnim parkiralištima („Službeni glasnik Općine Gradačac“ br. 4/13, 6/14, 9/18, 1/19 i 5/19) (u daljem tekstu: Odluka) mijenja se i glasi:

„Za naplatu parkiranja na otvorenim javnim parkiralištima koristi se parking karta iz automata, na način što se količinom ubačenog novca u automat određuje dužina plaćenog parkiranja ili parking karta plaćena elektronski putem SMS servisa, kojima korisnik otvorenog javnog parkirališta plaća uslugu korištenja javnog parkirališta unaprijed za planirano vrijeme parkiranja.“

(2) U članu 14. Odluke dodaje se stav 5. koji glasi: „Ovašćuje se JP „Parkinzi“ d.o.o. Gradačac, da svojim internim aktima detaljnije reguliše način plaćanja parking karte elektronski putem SMS servisa.“